


日本漢文學百家集

409

王焱 編



YSP
北京燕山出版社

王焱 主編

日本漢文學百家集
409



北京燕山出版社

第四〇九册

篁墩詩鈔	上下卷	庄原篁墩著	安政六年	……	一
古愚堂詩	一卷	兒島北溟著	慶應元年	……	一〇五
春夢庵詩鈔	上下卷	無著太素著	明治元年	……	一五七
晚翠堂文詩稿	四卷	橋本矢五郎著	明治十五年	……	三〇一
東京新詩	上下卷	小松祿哉著	明治十六年	……	五一九

王
墩詩鈔

安政山未鑄

所系類藝卿著

望之故詩

五鑑存粹

萱敷詩鈔弁言

皆香齋

綠陰晝靜山鳥獨語試下庭階
則舍北之幽萱乎抽玉筍亭
駢立皆有凌雲之勢此我山園
清和之景物也是日退朝清暇
獨騎款段而至門無剗啄靜坐

煎茶偶探奚囊有庄原藝卿
皇墩訪鈔二卷披覽一涉其詞
不事華飾纖巧而清雅冲淡
翻レ可レ盡レ所以當半日之吟侶
亦閑中一適也藝卿初就良
齋翁學後入靖恪レ門平素專

意經學詩特其緒餘耳今年已
近知命而志萬氣盛自強不息
他日所造詣奚翅詞藻之可觀哉
既終卷出竹西日沈倦驢頻嘶
因戒泐歸家燈下淬筆漫書詹
言於簡首而還之

屠維協洽麥秋月

復齋主人林輝題



蔣潭銀侶淺野祚書



篁墩詩鈔序

曩者莊原彝卿自德山來江戶
寓家塾其為人溫而毅昕夕沈涵
竭力於經義弗究其蘊弗措而
俯嗜韻語每以吟哦自娛五言
慕韋蘇州七古傲李北地七絕
喜王漁洋趨嚮已醇加以鎔鍊之

力駸之道上或高淡或雄渾或有
清麗之致同社諸子皆瞿然退
舍以為射雕手矣後下帷小川街
登門者日益多而自視歛然強勉
不息經益邃詩益精可與世之
專以詞藝立壇坫者相頽而不
下焉嘗自抄其集為二卷謁序於

祭酒復齋林公公為題其卷首一
言華衮如皇甫士安之序三都
頓增光價而又徵予不腆之文豈
以其遊長之久歎嗚呼予老矣舊
學以荒蕪志氣奄奄不振而葵卿
方且奮羽翮排風濤與都下名
士相角逐洵足以壯吾黨之氣是

大可喜也。曰：叙平生之雅，以識吾
喜，且以嗟吾老云。
安政己未清和月

艮齋安積信撰



雪城澤俊卿書



篁墩詩鈔上

周防 庄原懿彝卿 著

高松城防守歌

君不聞高松之城一彈丸。飛來欲攫沐猴冠。誰是捍
禦清水氏。八萬東軍心膽寒。退視甲河流邈迤。引之
可以灌城壘。壯丁築起十仞隄。陸地忽變滄海水。東
向豈屈男子膝。造舟縛筏奮身出。隻手欲支滔天流。
狂瀾挂得三旬日。漸見竈中亂鼃居。樓櫓沈殘三板
餘。外絕虻蟬蟻子援。內似易子析骸徒。天柱殆崩地
維絕。闔城且夕欲爲魚。五千羸卒杖戈起。報國忠節

鐵不如。一朝敵使來約誓。生活全軍獨自殲。蒼天茫
茫風颼颼。城上愁雲黃日浮。起入舟中正襟坐。西向
再拜臣志酬。大書絕命歌一闕。爲君聊灑一腔血。兩
人屠腹相繼斃。浪倒雪山雜紅雪。嗚呼丈夫一死重
泰山。取義成仁古所艱。可知祖宗養士力。苦節乃出
守將間。豈比晉陽垂覆沒。一人曾無血痕般。睢陽城
兮常山郡。南匹張許北並顏。滔滔甲河千百世。聲含
餘烈尚激頑。

送井孟輝西游

長風吹捲紫瀾浮。綠鬢西溟試壯游。書畫一舸虹貫

月。雌雄雙劍氣橫秋。鴻踪暫寄阿蘇雪。瓦色空嗟都
府樓。流鬼佛郎非太遠。論兵應及禦夷謀。

平家蟹

猶似橫行噲。欲衝十萬軍。無腸誰目汝。有恨我憐君。
戈在麾天日。甲堅穿水雲。不辭烹五鼎。雪恥策奇勳。

范蠡泛湖圖

霸越功成豈不酬。須知鳥喙亦恩優。舟中一朵名花
色。卽抵人間萬戶侯。

過鳴瀧村謁黃梅公廟引

大江之派自天潢。篤生龍種攘豺狼。十有三州咸掌

股。席捲山陰。又山陽。一門自足鳳雛美。羽翼宗家同
生死。智類乃翁勇阿兄。軍中相推兩川氏。猴郎霸略
捷於猴。力排衆議助復讐。超世神算真著龜。不缺吾
家舊金甌。明軍投鞭渡鴨綠。克復鷄林渾破竹。萬馬
急蹙碧蹄館。六軍將入金山曲。維公叱吒起挺戈。割
然雷霆擘朽木。髯奴僅得一人逃。濁血逆及紅漉漉。
當時海內亂已窮。久矣澆季下世風。門生天子定策
老。列國骨肉仇讐同。蜻蜒建學爲嚆矢。螟蛉有子付
故封。始終全節真罕匹。惟有鬼神諒丹衷。憶昔中朝
貞觀後。文衡並持管江手。就中最稱江帥公。兵究六